

Relatos dos Lectores

1.- La Voz de Galicia, S.A. convoca a 19.^a Edición dos Relatos de Verán que se publicarán ao longo dos 31 días de agosto do 2018. Establécense dous premios, un para os participantes menores de 16 anos e outro para os que superen esa idade.

2.- Poderán participar todas as persoas que o desexen, con relatos en galego ou en castelán, sempre que sexan inéditos e que se axusten ás seguintes condicións:

- A dimensión dos textos non poderá exceder de 25 liñas mecanografadas de corpo 11 (uns 2.100 caracteres con espazos incluídos).

- Os orixinais deberán acompañarse cos datos do autor (idade, nome, D.N.I., enderezo, teléfono, profesión e, a ser posible, unha breve indicación biográfica e fotografía tamaño carné) e co texto en soporte informático. Para participantes menores de 14 anos, os textos e datos do autor deberán ser remitidos polos seus pais ou tutores legais, acompañando así mesmo os seus datos (nome, D.N.I., enderezo, teléfono de contacto), en sinal de autorización para participar no premio nos termos que se indican nas presentes bases.

3.- As obras deberán enviarse á dirección de correo «19.^a Edición dos Relatos de Verán de La Voz de Galicia (Premio dos Lectores). Avenida da Prensa, parcelas 84 e 85. Polígono Industrial de Sabón (15143) Arteixo (A Coruña)», ou por correo electrónico (e-mail) a relatos@lavoze.es.

4.- O prazo de presentación de orixinais é o comprendido entre o 25 de xuño e o 25 de xullo do 2018, ambos incluídos.

5.- Un xurado designado pola organización do premio seleccionará, entre todos os recibidos, aqueles relatos que serán publicados ao longo do mes de agosto do 2018 en La Voz de Galicia e, simultaneamente, na páxina web (www.lavoze Galicia.es).

6.- Establécense dous premios, un para os participantes que aínda non teñan os 16 anos cumpridos e outro para os que superen esa idade.

7.- Os lectores, a través dos cupóns que o periódico publicará ao efecto, poderán votar os relatos dos lectores que consideren mellores en cada unha das categorías. Só computarán os votos recibidos en cupóns orixinais e non se admitirán fotocopias, como tampouco computará o sistema de valoración mediante estrelas de cada relato na edición dixital. Os autores gañadores en cada categoría faranse públicos en setembro do 2018.

8.- O autor de ata 15 anos (incluídos) que acade maior puntuación polo seu relato recibirá unha tablet.

9.- O autor de 16 ou máis anos que alcance maior puntuación polo seu relato será obsequiado cun bono para dúas persoas cunha viaxe destino a Dublín (inclúe avión ida e volta con saída desde Galicia, estancia de dúas noites en hotel en habitación dobre en réxime de aloxamento e almorzo e traslados entre o aeroporto e o hotel).

La Voz de Galicia resérvase o dereito a obsequiar cun premio equivalente ante calquera incidencia na adquisición do premio.

10.- Todos os remitentes dos cupóns que participen na votación entrarán no sorteo dunha selección da editorial Biblos Clube de Lectores.

11.- Os premios estarán suxeitos á normativa do IRPF e, en particular, á retención ou ingreso a conta que legalmente corresponda a conta do devandito imposto.

Os premios non son transferibles, nin canxeables polo seu valor en metálico.

12.- Os participantes responsabilízanse da autoría real e orixinalidade dos relatos, así coma dos seus contidos, que non poderán ser ilícitos, ofensivos ou discriminatorios, nin lesionar bens ou dereitos de terceiros. O feito de participar no premio implica a cesión non exclusiva polos autores a La Voz de Galicia, S.A. dos dereitos de explotación sobre os relatos, incluíndo os dereitos de reprodución, recompilación en libro, transformación, distribución e comunicación pública, para todo o mundo, polo máximo prazo de tempo que recoñece a lei aos titulares dos dereitos e por calquera medio ou soporte.

13.- Infórmase de que o responsable do tratamento dos datos dos participantes no concurso (e, no seu caso, dos seus representantes) e dos remitentes dos cupóns de votación é La Voz de Galicia, S.A., con dirección postal en Avda. da Prensa 84-85, Polígono Industrial de Sabón, 15143 Arteixo (A Coruña), teléfono: 981180180* e correo electrónico: lopd@lavo.es. La Voz de Galicia ten designado un Delegado de Protección de datos, con correo electrónico: dpo@lavo.es.

Para a participación no concurso os participantes (así coma, no seu caso, os seus representantes legais) deberán aportar os datos que se indican no apartado 2 anterior. Pola súa banda, os remitentes dos cupóns de votación deberán cumprimentar os datos que se sinalan no devandito cupón. Os datos indicados neste parágrafo son necesarios para a participación e o envío de votacións, respectivamente. En caso contrario, non poderemos atender a solicitude.

La Voz de Galicia tratará os datos dos **participantes (e dos seus representantes)** para a xestión e organización do concurso, sendo a base legal para o tratamento destes datos a execución da relación contractual cos interesados.

Os nomes, idade, biografía e imaxe dos autores poderán ser obxecto de comunicación pública nas actuacións que poida levar a cabo La Voz de Galicia, sempre que a comunicación pública estea relacionada coa súa participación no concurso, e asemesmo poderán publicarse xunto cos textos dos que son autores, salvo que a solicitude do autor proceda realizar calquera modificación, de conformidade co establecido na normativa vixente.

Por outra banda, La Voz de Galicia tratará os datos dos **remitentes dos cupóns de votación** para a xestión e organización do concurso, sendo a base legal para o tratamento destes datos a execución da relación contractual cos interesados.

Asemesmo, no caso dos remitentes de cupóns que presten o seu consentimento, La Voz de Galicia tratará os seus datos persoais para ofrecerlles periodicamente información sobre produtos, actividades, servizos e accións de La Voz de Galicia, de sociedades do Grupo Corporación Voz de Galicia que pode consultar no enlace https://www.lavozdegalicia.es/docs/grupo_v3.htm, e doutras empresas e organizacións relacionadas cos sectores de formación e educación, asegurador, asistencia do fogar, editorial, ONG, música, televisión, cine, radio, comunicación, automoción, hoteleiro, financeiro, distribución, deportivo, viaxes, emprego, inmobiliario, meteoroloxía, venta a distancia, enerxía, moda, téxtil, videoxogos, saúde, alimentación, produtos gourmet, ocio, administración, electrónico e de telecomunicacións. Esta información poderá ser remitida por calquera medio, incluídos os medios de comunicación electrónica, e aínda despois de finalizar esta acción. Neste caso a base legal para o tratamento dos datos é o consentimento dos interesados, que o poderán revocar en calquera momento sen que condicione a participación na presente acción. Coa fin de poder ofrecerlle produtos e/ou servizos de acordo cos intereses, poderemos elaborar un perfil comercial en base á información facilitada polo interesado, pero non se tomarán decisións automatizadas en base a este perfil.

Salvando a publicación dos datos dos autores arriba sinalada, non se realizarán cesións de datos persoais a terceiros, excepto en caso de que exista unha obriga legal. Asemesmo poderán ter acceso a datos persoais os provedores (encargados do tratamento) de La Voz de Galicia que necesiten acceder a datos para a prestación de servizos contratada que, a título enunciativo e non limitativo, prestan servizos nos sectores de servizos administrativos, distribución de correos electrónicos, call center, e servizos de marketing; os provedores

utilizarán os datos unicamente para a prestación do servizo e conforme ás instrucións de La Voz de Galicia. No caso de que fora necesario para o cumprimento das finalidades descritas realizar transferencias internacionais de datos persoais a provedores, e estes estivesen establecidos en países onde o nivel de protección non sexa o mesmo que o proporcionado no Espacio Económico Europeo, adoptaremos as garantías adecuadas de acordo coa normativa en materia de protección de datos, solicitando en caso necesario o consentimento previo dos interesados. Pode pedir máis información respecto dos destinatarios dos datos a través de lopd@lavoza.es.

Os datos conservaranse mentres sexan necesarios, en cada caso, para os fins para os que se recabaron, e durante os prazos de prescrición previstos.

Os interesados poderán exercer os seus dereitos de acceso, rectificación, supresión e, no seu caso, portabilidade dos seus datos persoais, así como de oposición e limitación ao tratamento dos seus datos, dirixíndose a La Voz de Galicia a través da dirección de correo electrónico lopd@lavoza.es, ou na seguinte dirección: La Voz de Galicia, S.A. – Protección de datos, Avda. da Prensa 84-85, Polígono Industrial de Sabón, 15143 Arteixo (A Coruña), indicando os detalles correspondentes á súa solicitude e acreditando debidamente a súa identidade (e, no seu caso, a súa condición de representante legal).

Infórmase asemesmo aos interesados de que teñen dereito a obter información sobre o exercicio dos seus dereitos e/ou presentar unha reclamación ante a Agencia Española de Protección de Datos (www.aepd.es).

14.- Non poderán participar no concurso os traballadores de La Voz de Galicia, S.A. ou das restantes empresas que compoñen o grupo Corporación Voz de Galicia.

15.- A participación nesta convocatoria implica a total aceptación das súas bases. La Voz de Galicia, S.A. resérvase o dereito de interpretarlas ante calquera dúbida que puidese xurdir.